



გორის მუნიციპალიტეტის

საკრებულოს

განკარგულება №176

2023 წლის 13 ოქტომბერი

ქ. გორი

შპს „აქტივების მართვისა და განვითარების კომპანიასა“ და შპს „KMA“-ს შორის 2013 წლის 5 ნოემბერს გაფორმებული აღნაგობის ხელშეკრულებით განსაზღვრულ აღნაგობის უფლების ვადის გაგრძელებასა და აღნაგობის საზღაურის შეცვლაზე გორის მუნიციპალიტეტის მერისთვის თანხმობის მიცემის შესახებ

შპს „აქტივების მართვისა და განვითარების კომპანიასა“ და შპს „KMA“-ს (ს/ნ 417879503) შორის 2013 წლის 5 ნოემბერს დაიდო აღნაგობის ხელშეკრულება მიწის ნაკვეთზე ს/კ 66.45.07.006 (მის: ქალაქი გორი, ქუჩა პუშკინი, არასასოფლო სამეურნეო დანიშნულების მიწის ნაკვეთი, 511 კვ.მ), რომლითაც აღნაგობის საზღაურის ყოველთვიური ოდენობა განისაზღვრა 236 (ორას ოცდათექვსმეტი) ლარის ოდენობით. 2015 წლის 9 დეკემბერს შპს „აქტივების მართვისა და განვითარების კომპანიასა“ და ქალაქ გორის მუნიციპალიტეტის მერს შორის დადებული შეთანხმებით ცვლილება შევიდა შპს „აქტივების მართვისა და განვითარების კომპანიასა“ და შპს „KMA“-ს (ს/ნ 417879503) შორის 2013 წლის 5 ნოემბერს გაფორმებული აღნაგობის ხელშეკრულებაში და ხელშეკრულების მხარედ შპს „აქტივების მართვისა და განვითარების კომპანიის“ ნაცვლად განისაზღვრა ქალაქ გორის მუნიციპალიტეტის მერია, რომლის უფლებამონაცვლეს დღეის მდგომარეობით წარმოადგენს გორის მუნიციპალიტეტი. მიწის ნაკვეთზე „აღნაგობის უფლების მქონე“ პირმა აღმართა შენობა-ნაგებობა, რომელიც რეგისტრირებულია მის საკუთრებად (შენობა ნაგებობა №1 საერთო ფართობით 265.85კვ.მ). მითითებული ხელშეკრულების ვადა იწურება 2023 წლის 5 ნოემბერს.

გორის მუნიციპალიტეტის მერიაში შესული იყო შპს „KMA“-ს (ს/ნ 417879503) 2023 წლის 28 ივნისის განცხადება, რომლითაც მოთხოვნილი იყო ზემოაღნიშნული აღნაგობის ხელშეკრულების ვადის 30 (ოცდაათი) წლით გაგრძელება.

აუდიტური კომპანიის შპს „კომპაუდის“ მიერ 2023 წლის 19 ივნისის N 168-ქ ქონების საწყისი საპრივატიზებო ღირებულების შეფასების დასკვნით, ს/კ 66.45.07.006 მიწის ნაკვეთის (მის: ქალაქი გორი, ქუჩა პუშკინი, არასასოფლო სამეურნეო დანიშნულების მიწის ნაკვეთი, 511 კვ.მ) საწყისი საპრივატიზებო ღირებულება განისაზღვრა 132,350.00 (ას ოცდათორმეტი ათას სამას ორმოცდაათი) ლარით.

გორის მუნიციპალიტეტის მერიამ შპს „KMA“-ს შესთავაზა აღნაგობის ხელშეკრულების ვადის 1 (ერთი) წლის ვადით გაგრძელება (30 წლის ნაცვლად) და აღნაგობის თვიური საზღაურის 800 (რვაასი) ლარის ოდენობით განსაზღვრა, რაზეც შპს „KMA“ დათანხმდა.

საქართველოს კანონის „საქართველოს სამოქალაქო კოდექსი“ 236-ე მუხლის მე-3 ნაწილის მიხედვით, საზღაური აღნაგობის უფლებისათვის მხარეებმა შეიძლება ათი წლის შუალედით განსაზღვრონ. თუ ეკონომიკური პირობები არსებითად იცვლება, მხარეები ვალდებული არიან თავიდან შეთანხმდნენ საზღაურზე. შპს „KMA“-ს (ს/ნ 417879503) 2023 წლის 28 ივნისის განცხადების საფუძველზე განხორციელდა ს/კ 66.45.07.006 მიწის ნაკვეთის შეფასება დამოუკიდებელი აუდიტორის (ექსპერტის) მიერ. მითითებული შეფასებისა და ზემოაღნიშნულის გათვალისწინებით, გორის მუნიციპალიტეტის მერიას მიზანშეწონილად მიაჩნია შპს „აქტივების მართვისა და განვითარების კომპანიასა“ და შპს „KMA“-ს (ს/ნ 417879503) შორის 2013 წლის 5 ნოემბერს დადებული აღნაგობის უფლების ვადა გაგრძელდეს 1 (ერთი) წლით, ხოლო აღნაგობის წლიური საზღაური შეიცვალოს და განისაზღვროს 9600 (ცხრა ათას ექვსასი) ლარის ოდენობით.

ზემოაღნიშნულიდან გამომდინარე, გორის მუნიციპალიტეტის საკრებულოს მიზანშეწონილად მიაჩნია მიეცეს თანხმობა გორის მუნიციპალიტეტის მერს, შპს „აქტივების მართვისა და განვითარების კომპანიასა“ და შპს „KMA“-ს (ს/ნ 417879503) შორის 2013 წლის 5 ნოემბერს დადებული აღნაგობის უფლების ვადა გაგრძელდეს 1 (ერთი) წლით. ს/კ 66.45.07.006 მიწის ნაკვეთის (მის: ქალაქი გორი, ქუჩა პუშკინი, არასასოფლო სამეურნეო დანიშნულების მიწის ნაკვეთი, 511 კვ.მ) საწყისი საპრივატიზებო ღირებულება განისაზღვროს 132,350.00 (ას ოცდათორმეტი ათას სამას ორმოცდაათი) ლარით, ხოლო აღნაგობის წლიური საზღაური შეიცვალოს და განისაზღვროს 9600 (ცხრა ათას ექვსასი) ლარის ოდენობით.

საქართველოს ორგანული კანონის „ადგილობრივი თვითმმართველობის კოდექსის“ მე-16 მუხლის მე-2 პუნქტის „ბ“ ქვეპუნქტის და 61-ე მუხლის 1-ლი და მე-2 პუნქტების, 122-ე მუხლის 1-ლი პუნქტის „ა“ ქვეპუნქტის, „მუნიციპალიტეტის ქონების პრივატიზების, სარგებლობისა და მართვის უფლებებით გადაცემის, საპრივატიზებო საფასურის, საწყისი საპრივატიზებო საფასურის, ქირის საფასურის, ქირის საწყისი საფასურის განსაზღვრის და ანგარიშსწორების წესების დამტკიცების შესახებ“ საქართველოს მთავრობის 2014 წლის 8 დეკემბრის №669 დადგენილებით დამტკიცებული წესის 22-ე მუხლის 1-ლი პუნქტის „ა“ ქვეპუნქტის, მე-2 პუნქტის, 24-ე მუხლის მე-2 პუნქტის, 36-ე მუხლის მე-2 პუნქტის საფუძველზე, გორის მუნიციპალიტეტის საკრებულო ადგენს:

1. მიეცეს თანხმობა გორის მუნიციპალიტეტის მერს, შპს „აქტივების მართვისა და განვითარების კომპანიასა“ და შპს „KMA“-ს (ს/ნ 417879503) შორის 2013 წლის 5 ნოემბერს დადებული აღნაგობის უფლების ვადა გაგრძელდეს 1 (ერთი) წლით. მიწის ნაკვეთის (მის: ქალაქი გორი, ქუჩა პუშკინი, არასასოფლო სამეურნეო დანიშნულების მიწის ნაკვეთი, 511 კვ.მ) საწყისი საპრივატიზებო ღირებულება განისაზღვროს 132,350.00 (ას ოცდათორმეტი ათას სამას ორმოცდაათი) ლარით, ხოლო აღნაგობის წლიური საზღაური შეიცვალოს და განისაზღვროს 9600 (ცხრა ათას ექვსასი) ლარის ოდენობით.

2. განკარგულება ძალაში შევიდეს ხელმოწერისთანავე.

3. განკარგულების გასაჩივრება შესაძლებელია დაინტერესებული მხარის მიერ მისი გაცნობის დღიდან ერთი თვის განმავლობაში სარჩელის წარდგენის გზით გორის რაიონულ სასამართლოში (მისამართი: ქალაქი გორი, სერგო ჯორბენაძის ქ. №30).

საკრებულოს თავმჯდომარე



დავით რაზმაძე